



Inatsisartuni ilaasortaq Aleqa Hammond, Siumut

Inersimasut meeqqallu kinguaassiutimikkut atorerlunneqarsimasut qassit katsorsarneqarsimanerat kiisalu 2013-imut aningaasanut inatsisissamut amerlanerusunik aningaasaliisoqassanersoq § 37 naapertorlugu apeqquteqaat pillugu

Asasara Inatsisartuni ilaasortaq Aleqa Hammond.

Apeqqutinut nassiussannut qujavunga.

Kinguaassiutitigut atorerlunneqarsimasunut sullissivik Saaffik ulloq 12. august 2012 ammarneqarpoq, taassumalu ilaatigut siunertaraa meeqqanik inuusuttunillu kinguaassiutimikkut atorerlunneqarsimasunik katsorsaaneq. Taassuma saniatigut Saaffik kommunini sulianut tunngatillugu siunnersuinermik, pikkorissartitsinernik kiisalu katsorsaannermut atatillugu angalaqatigiittartunik tikeraarneqartarnikkut ikorfartuisarpoq.

2011-mi suliassat ilaat aallartisarneqarput, taakkununga ilanngullugu meeqqanik inuusuttunillu oqaloqateqarnerit ingerlanneqarput, angajoqqaanik ikorfartuilluni oqaloqateqartoqarpoq; kommunini sullissisunit arlalinnit saaffiginnissutit akineqarsimapput, kiisalu sullitanik katsorsaasut angalaqatigiittartut atorlugit oqaloqateqartoqarluni.

Meeqqat inuusuttullu katsorsarneqartut 2012-imi amerliartorput. Sulineq siornarnit anertusiartuaarsimavoq, tamannalu Saaffiup maanna atuutilersimaneranut ersiutaavoq. Ilanngussa takuuk

Saaffiup aallartilluarnera maannangaarlu meeqqat taama amerlatigisut kinguaassiutimikkut innarlerneqarsimasut katsorsarneqarsinnaasimanerat Naalakkersuisunit naammagisimaarneqartorujussuuvoq.

Kinguaassiutimikkut atorerlunneqarsimasut peqatigiiffiat Tasiorta ukiuni kingullerni Nunap Karsianit taperneqarluni kinguaassiutimikkut atorerlunneqarsimasunut ikiuinisaminik neqerooruteqartarpoq. Tasiorta aaqjissuussaannikkut annertusaalluni neqeroorutinillu inersimasunut kinguaassiutimikkut atorerlunneqarsimasunut kingusissukku kingunipilutsitsisunut tapersersuiniarluni neqeroorutinik nutaanik ineriartortitsinermik ilalimik annertusaanermik maanna suliaqarpoq. Naalakkersuisut Tasiortap 2011-mi ukiuumoortumik nalunaarutaa tigoqqammerpaat, taanna inersimasut qanoq amerlatigisut arlaatigut Tasiortamit ikorneqarsimanerannik imaqarpoq. Kisitsisit takutippaat 2011-mi Tasiortap oqarasuaataanut katillugit 51-eriarluni oqaloqatiginnittoqarsimasoq, arlallit arlarierlutik sianertarsimallutik aamma arnanik eqimattanik ingerlatsisoqartoq 8-nik inutalimmik kiisalu oqaloqatiginninnerit ataasiakkaat ingerlanneqartarlutik.

UKA 2011-mi akuersissutigineqarpoq, kinguaassiutimikkut innarlerneqarsimasunut iliuusissatut pilersaarummik suliaqarnissaq. Decemberimi 2011-mi Naalakkersuisut inersi-

10. maj 2012
Sagsnr. 2012-065663
Dok. Nr. 897329

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

masunut kinguaassiutimikkut innarlerneqarsimasunut/atornerlunneqarsimasunut neqeroorutit pillugit imalimmik isumasioqatigiissitsipput. Isumasioqatigiissitsineq siunissami sullisseriaasissamik eqqartuiffittut aammalu inersimasut kinguaassiutimikkut innarlerneqarsimasut/atornerlunneqarsimasunut iliuuseqarnissamut ajornartorsiutinik pitsanngorsagassanillu pisariaqartitsinermik qulaajaaffiusoq ingerlanneqarpoq. Isumasioqatigiinnermi ilaatigut eqqartorneqarpoq, qanoq isilluni siunissami katsorsaannermi neqeroorutit aammalu sulisunik ilinniarsimasunik, inunnik kinguaassiutimikkut atornerlunneqarsimasunik suliaqarnermik ikiorsiinermillu aallutaqarsinnaasunik anertusaanissaq. Taassuma saniatigut isumasioqatigiinneq suliassaqarfiup pineqartup iluani ilisimasamik pigeriikkanik siunissamullu politikikkut takorluukkanik saqqummiussinermut atorneqarpoq.

Naalackersuisut maannakkut inersimasunut kinguaassiutimikkut atornerlunneqarsimasunut neqerooruteqarnissamut iliuusissatut pilersaarut suliarlugu ineriartortippaat, taassumalu 2012-ip naannginnerani piareernissaa naatsorsuutigineqarpoq. Tassunga atatillugu Naalackersuisut piffissami matumani suliassaqarfimmi pineqartumi siusinnerusukkut misissuinernik sorlernik ingerlataqareersimaneq qulaajarpaat. Ilisimasat tassunga tunngasut aallaavigalugit Naalackersuisut neqeroorutit qanoq isillutik sunnuteqarnerulersinneqarsinnaanersut pitsanngorsarneqarsinnaanersullu pitsaanerusumik ilisimalissavaat.

Naalackersuisut ilisimavaat, inersimasunut kinguaassiutimikkut meeraanerminni atornerlugaasimasunut inersimasunngornerminni kingunipilutsisisunut neqeroorutitut atatillugu aningaasanut inatsimmi amerlanerusunik aningaasaliinissamik pisariaqartitsisoqa-lersinnaasoq.

Inussiarnersumik inuulluaqqusillunga

Mimi Karlsen